



AN COIMISIÚN
EORPACH

An Bhruiséil, 15.5.2020
COM(2020) 196 final

ANNEXES 1 to 2

IARSCRÍBHINNÍ

a ghabhann leis an

Togra le haghaidh Cinneadh ón gComhairle

maidir leis an seasamh a ghlacfar thar ceann an Aontais san Eagraíocht Dhomhanda Chustaim (EDC) i ndáil le glacadh Nótaí Míniúcháin, Tuairimí maidir le hAicmiú nó comhairle eile faoi léirmhíniú an Chórais Chomhchuibhithe agus moltaí chun aonfhoirmeacht a chinntiú maidir le léirmhíniú agus cur i bhfeidhm an Chórais Chomhchuibhithe faoin gCoinbhinsiún ar an gCóras Comhchuibhithe

IARSCRÍBHINN I

An seasamh a ghlacfar thar ceann an Aontais san Eagraíocht Dhomhanda Chustaim

1. PRIONSABAIL

Faoi chuimsiú na hEagraíochta Domhanda Custaim (EDC), déanfaidh an tAontas an méid seo a leanas:

- (a) déanfaidh sé aicmiú earraí de réir custaim agus aonfhoirmeacht maidir le léirmhíniú agus cur i bhfeidhm an Chórais Chomhchuibhithe a chur chun cinn agus a éascú agus cuirfidh sé leis an aicmiú sin, agus déanfaidh sé cásanna agus díospóidí faoi léirmhínithe éagsúla an Chórais Chomhchuibhithe a dhíchur de réir a chéile;
- (b) oibreoidh sé chun rannpháirt iomchuí i gcéim ullmhúcháin chinntí an Choiste CC a thabhairt do pháirtithe leasmhara, agus áiríteoidh sé gur i gcomhréir le Coinbhinsiún CC a bheidh cinntí a ghlactar san Eagraíocht Dhomhanda Chustaim;
- (c) áiríteoidh sé go mbeidh aon bhearta a glacadh in EDC ag luí leis na rialacha ginearálta maidir le léirmhíniú an Chórais Chomhchuibhithe;
- (d) seasaimh a luíonn leis na dea-chleachtais a mhionléirigh an tAontas sa réimse lena mbaineann, cuirfidh sé na seasaimh sin chun cinn;
- (e) cuirfidh sé simpliú agus nuachóiriú ar Ainmníocht CC chun cinn de réir mar a athraíonn riachtanais na n-úsáideoirí agus forbairt teicneolaíochtaí nua;
- (f) áiríteoidh sé comhleanúnachas idir a chuid beartas agus gealltanais idirnáisiúnta eile.

2. CRITÉIR

Bunófar an seasamh a ghlacfar thar ceann an Aontais in EDC de réir an mhéid seo a leanas:

- (a) Critéir ghinearálta:
 - an prionsabal go mbeidh, ar mhaithe le deimhneacht dhlíthiúil agus fíorú réidh, go mbeidh an critéar cinntitheach maidir le haicmiú earraí, chun críoch custaim, á lorg ina ngnéithe agus a sainghnéithe oibiachtúla mar a shainítear i bhfoclaíocht na gceannteideal sa Chóras Comhchuibhithe agus i nótaí na Roinne nó na Caibidle,
 - na rialacha ginearálta maidir le léirmhíniú an Chórais Chomhchuibhithe mar a leagtar amach san Iarscríbhinn a ghabhann le Coinbhinsiún CC¹.

I gcás inarb iomchuí, cuirfidh sé an méid seo a leanas san áireamh:

- (b) Critéir shonracha:
 - cásdlí Chúirt Bhreithiúnais an Aontais Eorpaigh a bhaineann le haicmiú custaim ar earraí,
 - Ainmníocht CC agus Nótaí Míniúcháin CC, Tuairimí agus Cinntí maidir le hAicmiú a ghlac Coiste CC,
 - fo-cheannteidil na hAinmníochta Comhcheangailte (AC)² agus Nótaí Míniúcháin AC,
 - Rialacháin agus Cinntí maidir le haicmiú a ghlac an Chomhairle nó an Coimisiún,

¹ Cinneadh 87/369 ón gComhairle an 7 Aibreán 1987 maidir leis an gCoinbhinsiún Idirnáisiúnta ar an gCóras Comhchuibhithe um Thuairisciú agus um Chódú Tráchtarraí, agus an Prótocal lena ndéantar leasú air, a thabhairt i gcrích (IO L 198, 20.7.1987, **Ich. 1**).

² Rialachán (CEE) **Uimh. 2658/87** ón gComhairle an 23 Iúil 1987 maidir leis an ainmníocht taraife agus staidrimh agus leis an gComhtharaif Chustaim, **IO L 256**, 7.9.1987, **Ich. 1**.

- conclúidí ó Roinn na hAinmníochta Taraife agus Staidrimh den Choiste um an gCód Custaim,
- aon treoraíocht eile atá bainteach le haicmiú custaim ar earraí a mhionléirigh na hinstitiúidí i bhfoirm gníomhartha nó treoirlínte dlíthiúla.

3. TREOSHUIÓMHANNA

I gcás inarb iomchuí, féachfaidh an tAontas leis na cinntí seo a leanas a ghlacadh san Eagraíocht Dhomhanda Chustaim, de réir na bprionsabal agus na gcritéar thuasluaite:

- (a) Nótaí Míniúcháin, Tuairimí maidir le hAicmiú agus comhairle eile a mholadh agus a ullmhú mar threoraíocht chun an Córas Comhchuibhithe a léirmhíniú;
- (b) moltaí a ullmhú chun aonfhoirmeacht maidir le léirmhíniú agus cur i bhfeidhm an Chórais Chomhchuibhithe a áirithiú;

IARSCRÍBHINN II

Sonraíocht an tseasaimh a ghlacfar thar ceann an Aontais san Eagraíocht Dhomhanda Chustaim

Roimh gach cruinniú den Choiste um an gCóras Comhchuibhithe (CCC), nuair a iarrtar ar an gcomhlacht sin cinntí a ghlacadh a bhfuil éifeacht dhlíthiúil leo ar an Aontas, glacfar na céimeanna is gá ionas go mbeidh an fhaisnéis theicniúil is déanaí agus aon fhaisnéis ábhartha eile, a cuireadh chuig an gCoimisiún, curtha san áireamh sa seasamh a léireofar thar ceann an Aontais, i gcomhréir leis na prionsabail, na critéir agus na treoshuíomhanna a leagtar amach in Iarscríbhinn I.

Chuige sin, agus bunaithe ar an bhfaisnéis sin, tarchuirfidh an Coimisiún doiciméad i scríbhinn lena leagfar amach mionsonraí shonraíocht sheasamh an Aontais atáthar a mholadh chuig an gComhairle, nó chuig a comhlachtaí ullmhúcháin, in am trátha roimh gach cruinniú de Choiste CC. Laistigh de 5 lá oibre ón dáta ar a gcuireann an Coimisiún an Chomhairle, nó a comhlachtaí ullmhúcháin, ar an eolas, féadfaidh an Chomhairle easaontú a léiriú i gcás an tseasaimh atáthar a mholadh le haghaidh ceann amháin nó níos mó de chinntí aonair CC lena mbaineann.

Chun cearta an Aontais a chaomhnú agus chun é a sheachaint go nglacfaí cinneadh san Eagraíocht Dhomhanda Chustaim maidir le hábhar nach féidir leis an gComhairle seasamh a ghlacadh ina leith roimh dhul in éag don sprioc-am a thuarar faoi Airteagal 8(2) den Coinbhinsiún ar an gCóras Comhchuibhithe (Coinbhinsiún CC), iarrfaidh an Coimisiún thar ceann an Aontais go gcuirfear an t-ábhar faoi bhráid Chomhairle EDC agus faoi bhráid Choiste CC le haghaidh athscrúdú de bhun Airteagal 8(3) de Choinbhinsiún CC.

I gcás ina bhfuil difear substaintiúil idir an seasamh ón Aontas agus an cinneadh a ghlac Coiste CC, déanfaidh an Coimisiún, in am trátha roimh dhul in éag don sprioc-am a thuarar faoi Airteagal 8(2) de Choinbhinsiún CC, déanfaidh sé doiciméad i scríbhinn a tharchur chuig an gComhairle nó chuig a comhlachtaí ullmhúcháin lena leagtar síos an féidir na cinntí i gceist a ghlacadh nó an bhfuil gá ann an cheist a chur faoi bhráid Chomhairle EDC agus faoi bhráid Choiste CC le haghaidh athscrúdú de bhun Airteagal 8(3) de Choinbhinsiún CC. Laistigh de 10 lá oibre ón dáta ar a gcuireann an Coimisiún an Chomhairle, nó a comhlachtaí ullmhúcháin, ar an eolas, féadfaidh an Chomhairle easaontú a léiriú i gcás an tseasaimh atáthar a mholadh le haghaidh ceann amháin nó níos mó de chinntí aonair Choiste CC atá le glacadh san Eagraíocht Dhomhanda Chustaim.